

續高僧傳卷第十二

時四

東都內慧日道場釋敬脫傳八

唐京師淨影寺釋善胄傳九

慧威

義解篇八

本傳十五人
附見七人

隋丹陽彭城寺釋慧隆傳一

江都安樂寺釋慧海傳二

江都慧日道場釋慧覺傳三

終南山龍池道場釋道判傳四

終南山悟真寺釋淨業傳五

西京大禪定道場釋童真傳六

西京大禪定道場釋靈幹傳七

辨

唐

釋

道

宣

撰

唐京師淨影寺釋善胄傳九

慧威

京師勝光寺釋辯相傳十

京師大總持寺釋寶龕傳十一

曇恭

京師大總持寺釋慧遠傳十二

并州武德寺釋慧覺傳十三

慧達
明幹

常州建安寺釋智塔傳十四

常州弘業寺釋道慶傳十五

釋慧隆俗姓何氏丹陽句容人也祖前竟梁武

陵王長史父嶷梁散騎常侍隆十一出家師

於宣武寺僧都沙門慧舒。舒道業遐暢，風標清舉，學堪物軌，德允人師。烏迴當職，秉持攸寄，隆恭撫恪，慎備盡師資。年屆十三，志存聽學，纔欲聞道，即感靈瑞。有人自稱姓蔣，名規，授法華一部，便曰：「將來佛法，寔用相寄。」發言適竟，莫知所之。以義推之，若非四依齊位，九師均德，豈能當斯負荷？剋感聖言，遂聽法雲。時四寺確法師成論一遍，未周已究深隱，習業數載，獨稱標拔，及登具戒，更采毗尼，故得五艱。一河殊製異飲，備皆斷覩，洞盡銓衡，及梁運。

蕩覆避世，順時雖屬彫荒，學功靡棄。彭城寺內，引化如流。陳氏御曆重闢玄蹤，僧正恒公道門德望，於茲寺內結肆開筵。義侶玄徒，四方雲萃。隆常入室，獨冠群英。既解慧超，挺命令敷述，及晦將化，遺旨在斯。法筵是繼，誠當嘉旨。然其識用淹華，言辯清富，每至商榷，玄理頓徙。遲疑雖復談柄，屢攜言鋒。時礪而碩難，自撤簡綽。澄遠隋氏馭宇，九有同朝。上德高人咸紓延請，隆志存栖晦。以老疾致辭居舊，數弘仍以卒歲仁壽元年十一月十六日。

臥疾二十日遷化爾時冬至告節氣序祁寒
雲布彌天雪飛遍野及中宵之泥曰也天色
開霽星漢澄明豈非神靈哀罔天龍感悼之
明瑞矣然隆慈濟成性不尚華飾柔順知足
無貪爲寶凡講成論三十遍涅槃大品各十
餘遍餘則有差故不具叙未終前領弟子於
高座寺南山頂聚土築壇語曰我若捨形不
煩棺槨可於此處以施禽蟲壇竟便遷誠哉
知命後依遺命仍樹高碑寺沙門法宣爲文
釋慧海姓張氏清河武城人少年入道師事

鄴都廣國寺問法師聽涅槃楞伽始通再遍
便能覆述上首加賞又經五稔學徒推服更
從青州大業寺道猷法師受摩訶衍毗曇等
然猷慧辯無礙開智難思海以穎脫之才當
斯榮寄以周大象二年來儀濤浦創居安樂
修葺伽藍莊嚴佛事建造重閣躬自經始咸
時四
資率化竭筋力而忘倦蒙寒暑而載馳常以
淨土爲期專精致感忽有齊州僧道詮賣畫
無量壽像來云是天竺雞頭摩寺五通菩薩
乘空往彼安樂世界圖寫尊儀旣冥會素情

深懷禮懺乃覩神光炤爍慶所希幸於是模
寫懇苦願生彼土沒齒爲念以大業五年五
月旦疹患增甚語弟子曰我當滅矣申手五
指用表終期氣息綿微屬纊斯待至五日夜
歟然而起依常面西禮竟跏坐至曉方逝春
秋六十有九顏色恬和儼如神在道俗悲涼
號申接足花香如雨下金寶若山頽充委階
墀福慧之力矣然其自少精苦老而逾篤般
舟密行之法蘭若思惟之儀亟展修行瑞相
常擾兼以慈仁救護有劇諸已誘勸博約必

竭其才宰官居士之流老病貧窮之侶並情
遺重輕德施平等斯固器宇該含末代之通
人也講涅槃三十遍誦法華經一部謙五十
遍即以其月九日琢石於寺鐫爲巨室而移
坐焉江都縣令辛孝凱崇信是投内外通捨
解衣撤膳躬自指搆弟子慧暭以全身處乃
架塔築基增其華麗仍建碑旌德於寺之門
秘書學士瑯琊王睿爲文

釋慧覺姓孫氏其先太原晉陽人也江右喪
亂遷居丹陽之秣陵焉覺之在孕梁代誌公

不測人也遊宅徘徊顧而言曰此處當出神
童俄而載誕有若符契幼而風神特達氣調
不群雖則青衿便有奇心遠識於五陰六塵
深知泡電誓求離俗二親弗能違也年八歲
出家研精法相其初伏業即興皇朗法師也

時四

四

學門擁盛咸暢玄風入室之徒莫非人傑覺
稟承宏論備觀幽旨領略津會鑄求幽贊騁
馳衆妙得自胷襟宗匠加賞相繫稱爲法器
加以遊心九部備觀數論詭說異門並尋拔
葉旣而歎曰扮榆豈冲天之舉小道乖適遠

之津聊以忘憂非吾徒也夫澄神入慧莫尚
五門攝山泉石致美息心勝地乃樞衣獨柱
止于栖霞寺焉有慧布法師空解第一深明
方等或有未悟韞櫝于懷佞性音者及見欣
然便即開授又以大智度論江左少弘布備
宗緒將陳請說乃垂覃思申暢幽微布公披
襟歎美即命開講於是舊文新意兩以通之
遠近餐服聞所未聞釋論廣興於斯盛矣陳
晉安王伯恭爲湘州刺史深加禮異并請講
衆南行弘演吏部尚書毛喜護軍將軍孫瑒

並鞠躬頂禮虔仰殊常左衛將軍傅縡學通
內外氣調甚高繙素之間無所推敬每見覺
來必心形俱肅劇談高論留連無已天爵服
人皆如此類隋朝剋定江表憲令惟新一州時四
之內止置佛寺二所數外伽藍皆從斧廢覺
懼金剛之地淪毀者多乃百舍兼行上聞天
聽有勅霈然從其所請啓沃神粹弘護像法五
信有力焉煬帝昔居藩屏化牧淮甸欽佇勝
人義踰及席乃賜書曰法師安善涼暑惟宜
承栖遲龜山之域闡揚龍樹之旨其義端雄

辯獨演暢於稽陰談炳微言偏引汲於鏡水
弟子欽風籍甚味道尤深今於城內建慧日
道場延屈龍象大弘佛事盛轉法輪上人名
稱普聞衆所知識今遣迎候遲能光拂也於
即貴然來儀膺此嘉命法濟上人者靈智難
思於永福道場請開大論主上親臨法席稱
善久之後止白塔恒事敷說大品涅槃華嚴
四論等二十餘部遍數甚多學徒滿席法輪
之盛莫是過也先是江都舊邸立寶臺經藏
五時妙典大備於斯及踐位東朝令旨允屬

掌知藏事僉曰得人大業二年從駕入京於路見疾而神色怡然法言無廢及至將漸明語如常咸見金剛大神前後圍繞外國梵僧燒香供養初有智覺禪師爰感靈應乃見覺名題於金錄固其所得位地義量難測至三

月二十二日遷化於泗州之宿預縣春秋五十有三惟覺美詞令善容止身長八尺風表絕倫攝齊昇堂俯仰可則覲其威儀莫不改容易觀窯目忘倦至於吐納玄言宣揚妙義雄辯清論雲飛泉涌真可謂日月入懷風飄

滿室雖復愧志滯情亦頗忘鄙格然其芝蘭所化陶誘之功日就月將固亦弘矣兼通外典妙善尺牘屬詞染翰造次可觀折簡所至皆爲模楷加以風度淹遠雅量弘深談絕是非心夷彼我峻矣重仰人莫之窺信施相積

時四

六

隨用檀捨二翼之外纖芥罔遺止有論文談跋盈於几篋而已豈非拔俗之奇才通方之正士也有詔喪事所須隨由備辦恩禮周給務從優厚并具舟楫王人將送其年五月十三日還窆於江陽縣之葵莧里傳業學士數

甚滋多門人智果稟承遺訓情深追遠乃與同學紀諸景行碑于寺門秘書詔誥舍人虞世南爲文金紫光祿大夫內史侍郎虞世基爲銘見於別集

釋道判姓郭氏曹州承氏人也三歲喪親十
五遊學般涉史籍略綜儒道十九發心出家
投于外兄而剃落焉具戒已後歷求善友深
厭俗累絕心再往每閱像教東傳慨而不睹
靈迹委根歸葉未之或聞遂勇心佛境誓當
贍敬以齊乾明元年結伴二十一人發趾鄴

都將經關塞關邏嚴設又照月光踟蹰回首
義無踰越忽值雲奔月隱乘闇度棧遇逢遊
兵特蒙釋放以周保定二年達于京邑武帝
賞接崇重仍令於大乘寺厚供享之經逾兩
載上表乞循先志又蒙開許勅給國書并資
行調西度石竇千五百里四顧茫茫然絕無水
草乘飢急行止經七夕便至高昌國是小蕃
附庸突厥又請國書至西面可寒所此云天子治也彼土不識衆僧將欲加害增人防衛不給糧
食又不許出拾掇薪菜但令餓死有周國使

人諫可寒云此佛弟子也本國天子大臣敬重供養所行之處能令羊馬滋多可寒歡喜日給羊四口以充恒食判等放之而自煮菜進歟既見不殺衆生不食酒肉所行既殊不令西過乃給其馬乘遣人送還達于長安住乾宗寺判以先在窮險無人造食遂捨具戒今返京室後乃更受之停止五年逢靜藹法師諮詢道務慧業冲邃淹歷五周朝夕聞問方登階漸會武帝滅法與藹西奔于太白山同侶二十六人逃難巖居不忘講授中百四

論日夜研尋恂恂奉誨雖有國誅靡顧其死東引尋山距于華岳凡所遊遁者望日參焉遂離考山室二十餘所依承藹德爲入室之元宗始末一十五年隨逐不捨後藹捨身窮谷用陳護法判舍酸茹毒奉接遺骸建塔樹銘勒于巖壁天元嗣脣尋改邪風創立百二十人爲菩薩僧判當其數初住陟岵寺大隋受命廣開佛法改爲大興善焉判道穆僧徒歷總綱任敦攝彝倫有光先範開皇之肇於終南山交谷東嶺池號野賄迥出雲端俯臨

原陸躬自案行可爲栖心之場也結草爲庵集衆講說開皇七年勅遣度支侍郎李世師將天竺醫工就造精舍常擬供奉知判道業修曠給額爲龍池寺焉大將軍雲定興以爲擅越四事供給無爽二時侍郎獨孤機饗奉

時四

[^]

音猷於宅後園別立齋宇請來栖息終日將事稟其法戒薛國公及夫人鄭氏夙奉清訓年別至山諮詢戒誥決通疑議以大業十一年五月四日平旦卒於山寺春秋八十有四初判釋蒙啓法性狎林泉少欲無競樂居儉

攝行慈濟乏偏所留心履苦登危彌其本意故每至粟麥二熟行乞貯之至厚雪彌山則遺諸飛走所以山侶遊僧蒙其獎濟者殷矣又食不擇味生無患苦僧事鞅掌身先令之而弘道終朝虔虔無怠雖暫遊世恒歸山室斯亦巖岫之學觀矣

釋淨業俗姓史氏漢東隨人也年登小學即霑綯服間里嘉之號稱賢者專經之歲割愛出家淨養威儀霜厲冰潔受戒已後遊刃河內精研律部博綜異聞時有論師慧遠樹德

漳河傳芳伊洛一遇清耳便申北面學涅槃等經皆品酌其致弘宣大旨而恨文廣功略章句未離及遠膺詔入開業亦負袞陪從首尾餐承盡其幽理晚就曇遷禪師學於攝誇遷器宇崇廓牆仍重深遂舉知人同揚樂說

時四九

嘉業鑽仰誠至乃傾襟導引隨聞頂受緘勸寸心開皇中年高步於藍田之覆車山班荆採薇有終焉之志諸清信士敬揖戒舟爲築山房竭誠奉養桀險乘懸製通山美今之悟真寺是也業確乎內湛令響外馳仁壽二年

被舉送舍利于安州之景藏寺初通行諸基欲於十力寺置之行至景藏忽感異香滿院衆共嗟怪因而樹立將下舍利赤光挺出照于人物寺重閣上聞衆人行聲及往掩捕局閉如初一人不見塔北有池沙門淨範爲諸道俗受善薩戒乃有群魚游躍首皆南向似受歸相範即乘舟入水爲魚授法魚皆迴頭繞船如有聽受都無有懼業慶其所遇乃以舍利置於佛堂先有塑菩薩一軀不可移轉至明乃見迴身面於舍利狀類天然一無損

處屢興別瑞傳言不盡大業四年召入鴻臚館教授蕃僧九年復召住禪定寺聯翩荏苒微塵清曠後欲返於幽谷告同學曰此段一行便爲不返而別未淹旬已聞怛化春秋五十有三達生知命斯亦至哉即大業十二年

二月十八日也露骸松下初業神岸溫審儀止雍容敦仁尚德有古賢才調篤愛方術却粒練形冰玉雲珠資神養氣而卒非其所治徒載聲芳潔已清貞差爲傳德矣
釋童真姓李氏遠祖隴西寓居河東之蒲坂

馬少狀生死希心常住投曇延法師爲其師範綜掇玄儒英猷秀舉受具已後歸宗律句晚涉經論通明大小尤善涅槃議其詞理恒處延興敷化不絕聽徒千數各標令望詳真高譽繼迹於師開皇十二年勅召於大興善

時四

對翻梵本十六年別詔以爲涅槃衆主授解文義允愜衆心而性度方正善御大衆不友非類唯德是欽仁壽元年下勅率土之內普建靈塔前後諸州一百一十一所皆送舍利打剝勸課繕構精妙真以德王當時下勅令

柱雍州創置靈塔遂送舍利於終南山仙遊
寺即古傳云秦穆公女名弄玉習仙升雲之所也初真以十月內從京至寺路逢雨雪飛
奔滂注淹漬人物唯舍利與上獨不霑潤同
其異之寺居衡谷日夕風震自靈骨初臨迄
于藏瘞怡然恬靜燈耀山谷兼以陰雲四塞
雨雪俱零冀得清霽見日有符程限真乃手
執熏爐興發大願恰至下期冬日垂照時正
在午道俗同慶及安覆訖還復雲合大眾共
歎真心冥感之所至也大業元年營大禪定

下勅召真爲道場主辭讓累載不免登之存
撫上下有聲僧綱又以涅槃本務常事弘獎
言今之設多附斯文大業九年因疾卒于住
寺春秋七十有一真抱操懷亮朋附高流廝
下之徒性朴傾徒寺旣初立宰輔交參隆重
居懷未始迎送情槩天表卒難變節當正臨
時四食衆將四百大堂正梁忽然爆烈聲駭震霆
一衆驚散咸言摧破徒跣而出者非一唯真
端坐依常執匙而食容氣不改若無所聞兼
以偏悲貧病撤衣拯濟躬事扶視時所共嘉

剛柔兼美焉

釋靈幹姓李氏金城狄道人祖相封於上黨
遂隨封而遷焉年始十歲樂聞法要遊寺觀
看情欣背俗親弗違之年十四投鄴京大莊
嚴寺衍法師爲弟子晝夜遵奉無怠寸陰每
入講堂想處天宮無異也十八覆講華嚴十
地初開宗本披會精求僉共怪焉又酬抗群
鋒無所躊躇衆益欣羨冠年受具專志毗尼
而立性翹仰恭攝成節三業護持均持謹性
周武滅法通廢仁祠居家奉戒儀體無失墮

開佛日有勅簡入菩薩數中官給衣鉢少林
安宣雖蒙厚供而形同俗侶開皇三年於洛
州淨土寺方得落髮出家標相自此繁興有
海玉法師構華嚴衆四方追結用興比興幹
即於此衆講釋華嚴東夏衆首咸共褒美開
皇七年因修起居道業夙聞遂蒙別勅令住
興善爲譯經證義沙門至十七年遇疾悶絕
唯心不冷未敢藏殯後醒述云初見兩人手
把文書戶前而立曰官須見師俛仰之間乃
與俱往狀如乘空足無所涉到一大園七寶

樹林端嚴如畫二人送達便辭而退幹獨入
園東西極目但見林地山池無非珍寶焜煌
亂目不得正視樹下花座或有人坐或無坐
者忽聞人喚云靈幹汝來此耶尋聲就之乃
慧遠法師
禮訊問曰此爲何所答是兜率

陀天吾與僧休同生於此次吾南座上者是
休法師也遠與休形並非本身項戴天冠衣
以朱紫光偉絕世但語聲似舊依然可識又
謂幹曰汝與我諸弟子後皆生此矣因爾覺
悟重增故紫端然觀行絕交人物仁壽三年
舉掌寺任素非情望因復俯從其年奉勅送
舍利於洛州便置塔於漢王寺初建塔所屢
放神光風起燈滅而通夕明亮不須燈照又
感異香從風而至道俗通見四月八日下舍
利時寺院之內樹葉皆萎鳥鳴悲叫及填平
滿還如常日時漢王諒作鎮晉陽承幹起塔
王之本寺遠遣中使賸賜什物然其善於世
數機捷樞要辯注難加嘗爲獻后述懺帝心
增感歎欵連濡乃賜帛二百段用旌隆敬大
業三年置大禪定有勅擢爲道場上座僧徒

一盛匡^七有^一序至八年正月二十九日卒於寺房春秋七十有八幢蓋道俗相與奔隨乃火葬於終南之陰初幹志奉華嚴常依經本作蓮華藏世界海觀及彌勒天宮觀至于疾甚目睛上視不與人對久之乃垂顧如常日

時四

十三

沙門童真問疾因見是相幹謂真曰向見青衣童子二人來召相遂而去至兜率天城外未得入宮若翹足舉望則見城中寶樹花蓋若平立則無所見也旁侍疾者曰向舉目者是其相矣真曰若即住彼大遂本願矣幹曰

天樂非久終墜輪迴蓮華藏世界是所圖也不久氣絕須臾復通真問何所見耶幹曰見大水遍滿華如車輪幹坐其上所願足矣尋爾便卒沙門靈辯即幹之猶子也少小鞠育誨以義方攜在道位還通大典今住勝光寺衆議業行擢知綱任楊導華嚴擅名帝里云釋敬脫不詳姓氏汲郡人也年少出家以孝行清直知名雖該敷小大偏明成實講解周鏡不虧聲聞開張衢術章疏惟新爲後學宗仰又善聲韻兼通字體蒼雅林統識其科蹤

文章篇什頗預倫伍同住房院罕見餘談手不輟卷專師廣贍威儀修整未曾反顧身極長大充滿圓成時共目之以爲僧傑人有達於帝者乃追住慧日四海齊架又無與競志節堅正最爲稱首帝欲試諸大德誰爲剛亮

通命引入允武殿勑監門郎將段文操拔刀逐之令走諸大德並趨步速往唯脫緩步如常語操曰卿何事以此相逼及上殿坐語論佛理帝徐顙操曰衆僧素不知俗法監門何得催耶私異脫之大志也勅賜大竹扇面闊

三尺即令執用并賜松抱高屢今著於宮中而出帝自送之曰誠僧傑矣爾後常弘成實無替時序以大業十三年卒于東都鴻臚寺春秋六十三自脫之聽學也常施荷擔母置一頭經書及筆又置一頭若至食時留毋樹下入村乞食用以充繼其筆絕時四大麌管如臂可長三尺方丈一字莫不高推人有乞書者紙但一字耳風力遒逸覩之不厭皆施諸壁十四上來徃觀省東都門額皆脫所題隨一賦筆更不修飾時慧日有沙門法楞者偏弘地論

著述疏記聲名相副見重道場及于終世以
事聞奏帝哀之殯殮所資皆從天府

釋善胄俗姓淮氏瀛州人少出家通敏易悟
機悟爲心預涉講會樂詳玄極大論涅槃是
所贊注齊破投陳奔造非數年屬荐餚告乞
是難日濟一餅纔充延命形極羸悴衆不齒
錄行至一寺聞講涅槃因入論義止得三番
高座無解低頭飲氣徒衆千餘停偃講唱於
是扶舉而下既至房中奄然而卒胄時論訖
即出竟不知之後日更造乃見造諸喪具因

問其故乃云法師昨爲北僧所難乃因即致
死衆不識胄不之擒捉聞告自審退而潛焉
經于數日後得陳僧將挾復往他講所論義
者無不致屈斃者三人由此發名振續大光
吳越隋初度北依遠法師止于京邑住淨影

寺

十四

十五

聽徒千數並鋒銳一期而胄覆述堅義神
彩秀發偏師論難妙通解語遠制涅槃丈疏
而胄意所未弘乃命筆改張剖成卷軸鑿深
義窟利寶罔遺遠聞告曰知子思力無前如
何對吾改作想更別圖可邪胄曰若待法師

即世方有修定別胄之虛名終無實錄遠乃
從之疏既究成分宗匠世亟有陳異遠亡之
後勑令於淨影寺為涅槃衆主開皇將末蜀
王秀鎮部梁益攜與同行岷嶓望德日歸道
成務達仁壽末歲還返關中處蜀道財悉營
尊像光座嚴飾絕世名士雖途經危險而步
蓮並達在京供養以為模範會文帝置塔勑
送舍利于梓州牛頭山華林寺嚴輿將達感
豬八頭突到輿下從行至館驅逐乃走還來
如故漸至城治黑蜂四枚形甚壯偉隨輿旋

遶數步便去既至州館夜放大光明徹屋上
如火焰發食頃方滅又掘塔基入深丈餘正
當函處得古甕瓶無蓋有水清澄香美乃用
盛於函內寺有九層浮圖從西南角第二級
放光上照相輪如五石瓮許黃赤如火良久
方隱又堂內彌勒像亦放眉間紫光并二菩
薩亦放赤光通照寺院前後七度衆人同見
除不來者及大業造寺廣召德僧胄應高選
又住禪定屢開法席傳響相尋因感風疾脅
口渴偏時人謂改張遠疏之所及也初遠以

涅槃爲五分末爲闍維分胄尋之揣義改爲七分無有闍維第七云結化歸宗分自風疾多載而問難尋常爲諸學者所共驚憚後忽患瘡口如恒日胄曰吾患旣差命必終矣此不可怪理數然也大業十三年欲返本寺衆

唐四

十六

不許之乃以土塞口欲自取死寺衆見其志

決方復開許以武德三年八月內終於淨影寺春秋七十有一初患瘡謂門人曰吾一生正信在心於佛理教無心輕略不慮淨土不生即令拂拭房宇燒香嚴待病來多日委卧

不起忽爾自坐合掌語侍人曰安置世尊令坐口云世尊來也胄今懺悔慙愧如是良久曰世尊去矣低身似送因卧曰向者阿彌陀佛來汝等還見不久吾當去耳語頃便卒葬于城南岸曲之北崖遵遺令也弟子慧威

住大總持講尋宗迹著名京室

釋辯相姓史瀛州人也性愛虛靜遊聽有聲業綜經術齊趙之方備聞芳績後旋洛下涉諸法席又往少林依止遠公學於十地大小三藏遍窺其奧隅而於涅槃一部詳覈有聞

未南投徐部更採攝論及以毗曇皆披盡精
詣傳名東壤光聞師資衆所歸向開皇七年
隨遠入輔創住淨影對講弘通仁孝居心崇
寺四
仰師轍仁壽置塔勅令送舍利於越州大禹
寺民庶歡躍欣見遺身未及出間光自涌現
十七
青黃赤白四色昭彰流溢于外七衆嗟慶勝
心屢動又於山側獲紫芝一枚長二尺三寸

鄭擁逼同固洛濱武德初年蒙勅延勞還歸
京室重弘經論更啓蒙心今上昔在弘義欽
崇明德延入宮中通宵法論亟動天顏賜賜
豐美乃令住勝光此寺即泰國之供養也故
以居焉晚以素業所資慧門初闢追崇淨影
仍就講說又捨所遺圖遠形相當存敬禮用
光師範以貞觀初年因疾纏身無由取逝乃
隱避侍人自縊而卒在于住寺春秋七十有
餘矣相爲人敷素形色鮮白眉目濃朗儀止
閑泰商榷名理接頓詞義有神彩矣

釋寶襲貝州人雍州三藏僧休法師之弟子
休聰達明解神理超逸齊末馳聲廣於東土
周平齊日隱淪本州天元嗣立創開佛法休
初應詔爲菩薩僧與遵遠等同居陟岵開皇
七年召入京輦住興善寺襲十八歸依誦經
爲業後聰經偏以智度爲宗布響聞東高聞
時傑從休入京訓助爲仕開皇十六年勅補
爲大論衆主於通法寺四時講化方遠總集
逮仁壽造塔又勅送舍利於嵩州嵩岳寺初
雲霧暗合七日蒙昧襲乃擎爐發誓願將限

滿下舍利時得見日彩俄而所期既至天開
光耀日當正午旣副情望遂即藏翳未又送
于邢州況愛寺忽於函上見諸佛菩薩等像
及以光明周滿四面不可殫言通於二日光
始潛沒而諸相猶存及當下時又見卧像一
軀赤光踊起_{時四}襲欣其所感圖而奉敬至文帝
升遐起大禪定以名稱普聞召而供養武德
末年卒於住寺春秋八十矣有弟子曇恭明
洪皆善大論恭少而機辯見解有名屢講經
論京室稱善護法匠弼頗存聖言貞觀初年

勑徵爲濟法上座綱維僧務傳芳季緒後召入弘福又令知普光寺任德爲時須故輪轉無定卒於任所洪亦以榮望當時紹宗師業召入普光時復弘法而專營浴供月再洗僧繼踵安公歸心慈氏云

釋慧遷瀛州人也好學專問愛說地論以爲心賞之極負錫馳騁求慕郢匠雖研精一部而橫洞百家每至難理則群師具叙有齊之時早扇名實又從遠公重流前業義不再緣周經一紀併通涅槃地持並得講授齊亡法

毀南奔陳國大隋革運又歸鄉壤行經洛下還附遠焉故業新聞備填胷臆及遠入關從而來至住大興善弘敷至任開皇十七年勅立五衆請遷爲十地衆主處寶光寺相續講說聲績攸陳仁壽二年勅令送舍利於本鄉

弘博寺既至掘基入地六尺感發紫光散衝塔土其相如焰似傘像所佩者又土上成字黑文分明云轉輪王佛塔也見此靈相咸慶

希逢仁壽四年又於海州安和寺起塔掘深五尺便獲白土色逾於粉遍滿坑中復深八

尺於白土內得白玉一枚方餘徑尺光潤難比及將下旦放大光明通照城郭色如紅火舍利出瓶分爲六粒現希有事衆皆歎訝遷後頻開十地京邑乃多無與比肩者及大禪定興召入處之武德末年卒於所住春秋七十有九矣自遷之歿後十地一部絕聞闢壞道由人弘於斯驗矣有心之寄誠可勵諸

釋慧覺俗姓范氏齊人也達量通鑒罕附其倫而儀形秀峙眉目峯映衣服鮮潔身長七尺容止溫弘顧步淹融鏘鏘然也執持行路

莫不駐步迎睇而目送者其威儀感人如此明華嚴十地講席相繼流軌齊岱榮名遠著門學成風大隋受禪闡隆像法以文皇在周既總元戎躬履鋒刃兵機失捷逃難于弁城南澤後飛龍之日追惟舊壤開皇元年乃於幽憂之所置武德寺焉地惟泥濕遍以石鋪然始增基通於寺院周間千計廊廡九重靈塔雲張景臺星布以覺識解騰譽召而處之弘闡法門多以華嚴爲首受悟請益宏略遵於四宗後被請高陽允當講匠聽衆千餘堂

宇充溢而來者不絕遂停法肆待有堂宇方
可弘導爰有施主即爲造千人講堂締構斯
須不月便就旣登法座衆引充滿覺威容宏
雅其狀若神談吐抑揚汲引玄隱披釋冲洽
時四
聽徒竦戴誠博義之弘量也著華嚴十地維
二十
摩等疏并續義章一十三卷文質恢恢條貫
倫約齊魏明德咸誦行之至武德三年會檢
淨土園施爲功不遠千里青州取棗於并城
開義寺種之行列千株供通五衆日呈茂美
斯業弘矣時寺有二僧俱名慧達遠公門人
善解當世武德之初京邑呈美又有明幹者
亦亞其倫相與傳燈流芳不絕
釋智琚新安壽昌人俗姓李氏原其世系出

自高陽末曹任爲理官仍以爲姓時代音變
遂以理爲李因而氏焉其本冀州趙郡典午
東遷徙居江左父禕仕梁負外散騎侍郎琚
年十九便自出塵聽坦師釋論未淹灰管頻
聞精義坦即隋齊王暕之門師也次聽雅公
時四
般若論又聽譽公三論此三法匠名價尤重
琚欲潔操秉心偏窮法性諸高座主多無兼
術古人有言學無常師斯言有旨廣尋遠討
曲盡幽求年二十七即就敷講無礙辯才衆
所知識說經待問亟動恒倫及坦將逝以五

部大經一時付囑旣蒙遺累即而演之聲駕
載隆玄素攸仰然其口不言人眼無受色牢
醍弗嘗葷辛無犯入室弟子明衍受業由來
便事之爲和上云前謂曰吾以華嚴大品涅
槃釋論此之文言吾常吐納今以四部義疏
升一
付囑於汝乃三握手忽然而終卒於常州之
建安寺即武德二年六月十日也窆於毗壇
之南寺之舊號衍姓丘氏晉陵名族容止可
觀精彩卓異敬崇芳績樹此高碑于寺之門
前陳西陽王記室譙國曹憲爲文

釋道慶姓戴其先廣陵後遁度江家于無錫
年十一出家事吳郡建善寺藏闍梨服勤盡
禮同侶所推十七出都聽彭城寺講成實論
大義餘論皆莫之遺所以時匠目曰懸日月
於懷中注江河於口內者誠歸於慶矣既荷
嘉問信志兼常利齒聞於旣往高座屬於茲
日及陳祚云亡法朋彫散東歸無錫居鳳光
寺學徒載萃誨誘如初後止毗壇弘業寺專
事闡弘無棄涼暑然其容止善言笑淡名利
厚交遊毫翰奔涌琴詩婉妙風神閑縱韻字

虛凝應物有方履機無忤以武德九年八月
終於寺房春秋六十一即以其月二十三日
窆於扶塘之山律也穿壙之日鍔鍤繞施感
白鶴一群自天而下遙曳翻翔擁藏哀唳自
非道光遠被何由致此異祥同寺沙門法宣
曰余與伊人時四言忘道狎京輦少年已欣共被
他鄉衰暮更喜同袍月席風筵接腕晤語吾
子經堂論室促膝非異人豈意玄穹殞我良
友千行徒洒百身寧贖未能抑筆聊書短銘
其詞曰

十力潛景四依臣世 踰德連暉伊人是繼
宮牆戒忍燈炬禪慧並驅生林 分庭安寂
論堂搆王義室芬蘭坐威師子衆遶栴檀
道潔塵外理析談端四儀式序三業惟安
穢土機窮勝人現滅帳留餘影車迴去轍
龍月孤照墳泉幽冽竹露暫團松風長切
氣運有終德音無絕

書釋

脊時忍樞苦侯切場與章切繹子代切颯唐遙切
棧士諫切閭快也切快協也切場與章切繹子代切颯唐遙切
續子卯切鍼宜也切也也切也也切也也切也也切
田甲子卯切鍼宜也切也也切也也切也也切也也切
纊集也切鍼宜也切也也切也也切也也切也也切
殲子廉切禪於也切也也切也也切也也切也也切
姚也切禪於也切也也切也也切也也切也也切
鐸也切禪於也切也也切也也切也也切也也切
鍼也切禪於也切也也切也也切也也切也也切
鍼也切禪於也切也也切也也切也也切也也切